

# Тропари и кондаки дневные на всю седмицу<sup>[1]</sup>

*В понедельник*

## Небесным чином бесплотным

*Тропарь, глас 4-й*

Небесных воинств Архистратизи, молим вас присно мы недостойнии: да вашими молитвами оградите нас кровом крил невещественных ваших славы, сохраняюще ны припадающия прилежно, и вопиющия: от бед избавите ны, яко чиновначальницы Вышних сил.

*Кондак, глас 2-й*

Архистратизи Божии, служителие Божественных славы, Ангелов начальницы и человеков наставницы, полезное нам просите, и велию милость, яко бесплотных Архистратизи.

*Во вторник*

## Крестителю и Предтече Иоанну

*Тропарь, глас 2-й*

Память праведнаго с похвалами, тебе же довлеет свидетельство Господне, Предтече: показал бо ся еси воистинну и пророков честнейший, яко и в струях крестити сподобился еси Проповеданнаго. Темже за истину пострадав радуясь, благовестил еси и сущим во аде Бога являшаго ося плотию, вземлющаго грех мира, и подающаго нам велию милость.

*Кондак, глас 2-й*

Пророче Божий и Предтече благодати, главу твою, яко шипок священнейший, от земли обрешь, исцеления всегда приемлем, ибо паки, якоже прежде, в мире проповедуеши покаяние.

*В среду и пятницу*

## Кресту

*Тропарь, глас 1-й*

Спаси, Господи, люди Твоя, и благослови достояние Твое, победы нас сопротивных даруя, и Твое сохраняя Крестом Твоим жительство.

*Кондак, глас 4-й*

Вознесыйся на Крест волею, тезоименитому Твоему новому жительству щедроты Твоя даруй, Христе Боже, возвесели нас силою Твоею, победы дая нам на сопостаты, пособие имущим Твое, оружие мира, непобедимую победу.

*В четверг*

## Апостолам и святителю Николаю

### *Тропарь апостолам, глас 3-й*

Апостоли святии, молитe Милостиваго Бога, да прегрешений оставление подаст душам нашим.

### *Тропарь святителю, глас 4-й*

Правило веры и образ кротости, воздержания учителя яви тя стаду твоему, яже вещей истина. Сего ради стяжал еси смирением высокая, нищетою богатая, отче священноначальниче Николае, моли Христа Бога, спаси души наши.

### *Кондак апостолам, глас 2-й*

Твердые и боговещанные проповедатели, верх апостолов Твоих, Господи, приял еси в наслаждение благих Твоих и покой: болезни бо оных и смерть приял еси, паче всякаго всеплодия, Единые сведый сердечная.

### *Кондак святителю, глас 3-й*

В Мирех, святе, священнодействитель показался еси, Христово бо, и реподобне, Евангелие исполнив, положил еси душу твою о людех твоих, и спасл еси неповинныя от смерти. Сего ради освятился еси, яко великий тайник Божия благодати.

*В субботу*

## Всем святым и за умерших

### *Тропарь всем святым, глас 2-й*

Апостоли, мученицы и пророцы, святителие, преподобнии и праведнии, добре подвиг совершившии и веру соблюдшии, дерзновение имуще ко Спасу, о нас Того, яко Блага, молитe спасиися, молимся, душам нашим.

### *Тропарь заупокой, глас 2-й*

Помяни, Господи, яко Благ, рабы Твоя, и елика в житии согрешиша, прости; никтоже бо безгрешен, токмо Ты, могый и преставленным дат и покой.

### *Кондак всем святым, глас 8-й*

Яко начатки естества Насадителю твари вселенная приносит Ти, Господи, богоносныя мученики: тех молитвами в мире глубоче Церковь Твою, жителство Твое Богородицею соблюди, Многомилостиве.

### *Кондак заупокой, глас 8-й*

Со святыми упокой, Христе, души раб Твоих, идеже несть болезнь, ни печаль, ни воздыхание, но жизнь безконечная.

---

[1] Богослужбный день начинается с вечера предшествующего дня, поэтому тропарь понедельника читают (или поют) на вечерних богослужениях в воскресенье и утром на часах и литургии в понедельник. Вечером в понедельник читают уже тропарь вторника и т.д.